

[fol. 146v]

Nachdeme der Preugegenschreiber den 30^{ten}
 Juny Anno 1675 die verhandne alte Preugeföll,
 10953 fl. 58 kr., dann neue Geföll 15367 fl.
 23 kr. zusammen 26321 fl. 21 kr. 4 hl.
 zu Churfürstlicher Rentcasza nach Straubing
 yberbracht, hat derselbe sambt bey
 sich gehebtñ Fuehrleithn, Wagen vnd Reith-
 pferdten gemeltn Tag yber Mittag
 zu Schierling verzört vnd Stalmüeth ausge-
 legt 2 fl. 56 kr., dann ybernacht zue
 Kaltnerberg 3 fl. 8 kr., volgenden
 Montag den 1. July aber Mittag vnnd
 Nacht zu Straubing verzört, weilm das
 Fuetter theür vnd auf Auszellung des Gelts
 zuegewartt müessen, 5 fl. 26 kr., von dem Gelt
 abzeladen vnd in die Zallstuben ze-
 bringen 12 kr. Item vnder der Widerhaimbraiß
 den 2. July widerumben yber Mittag zu
 Schierling verzört 2 fl. 48 kr. vnderweegs

Huius Nihil

[fol. 147r]

für neue Huefeisen vnnd den altn zu hefftn geben
 40 kr., von fünf Wagen- vnd Reithpferdtn
 yedem neben Fuetter vnd Mahl des Tags 30 kr.,
 trifft *per* 3 Teg 7 fl. 30 kr. vnd aller Vn-
 cossten zusammen

23 fl. 40 kr.

Den 8. 8ber 1675 sein abermahln neu
 vnnd alte Preugfell, 16993 fl. 30 kr.,
 zur Rentcasza yberlifert worden vnnd
 Preugegenschreiber sambt den Fuerleithn
 vnnd Pferdtn vnderm Hinabraisen yber Mittag
 zu Schierling Verzörung ausgelegt 3 fl.
 18 kr., dann ybernacht vf der Kalt-
 nerberg 3 fl. 26 kr., verer den 9^{ten} diss
 yber Mittag vnnd Nacht zu Straubing
 fir Mahl, Futter vnd Stallmüeth 5 fl. 45 kr.,
 dem Gelt abzeladen 12 kr., fir Wagenschmir
 15 kr., volgenden Pfinztag, den 10. huius,
 im Widerhaimbraisen yber Mittag zu Schier-

Huius per se [23 fl. 25 kr.]